

中 01 頭一擺的音樂會

王雪瑜

今仔日是我頭一擺佇中興堂的大舞台頂表演，這是我一年來的向望。為著欲上台，我穿一軀白色的短衫短褲，面頂有藍色恰紅色的花草，看著誠影目。透早就來排練到今，雖然是恰逐家同齊演出，毋過，看著台密密罰的人，我嘛是緊張張甲雙跤咬必掣，雙手一直流手液，按怎拭都拭袂焦。老師一直交代阮表演的時陣愛有笑容，毋過，逐家攏緊張甲袂出來。布幕一下摸懸，指揮老師的手一下比，我就綴節奏開始輕輕敲木琴。挂開始節奏慢慢仔，敢若鴨仔咧行路。聽著後壁的大鼓愈拚愈大聲、愈拚愈緊，袂輸火車對遠遠的所在欲衝過來，我手中的木琴槌仔嘛綴咧愈敲愈緊，一時仔敲正引、一時仔敲倒引。身軀綴音樂搖來搖去，煞尾鼓聲一下停，指揮老師的手隨擇懸，表演結束。嘆仔聲響起，我規個人隨快活起來，這時陣我歡喜甲笑出來。想著會當恰表姊全款上台表演實在誠無簡單。

舊年挂歌熱的時陣，表姐足歡喜共我講伊八月恰音樂教室欲佇中興堂表演，問阮規家伙仔欲去聽伊的音樂會無？阿母聽了隨應好。猶會記得音樂會彼工，表姐穿一領柑仔色的 Ha-uá-ih 草裙，領頸掛一掙花箍，手提一台飛行機，綴指揮老師行入舞台，表演的歌曲是「來去 Ha-uá-ih」。台

頂的伊面帶笑容，身軀綴音樂的節奏搖來搖去。沙鈴、鈴鼓恰邦哥鼓快速的節奏，敢若熱情的舞步，一直徙位，一直扭尻川花。繼落來木琴的聲音加入來，敢若栗鳥仔咧啄米，遮一下、遐一下。雖然節奏無挂才遐緊，毋過，予人有一種聽著心花開的感覺。就是這種感覺，予我決定欲綴表姐的跛步，來去學木琴，想欲恰伊全款倚佇舞台頂表演予逐家看。

為著今仔日的表演，我連繼兩個月，逐工都練習兩點鐘。落尾這四擺上課攏愛排練，予我心情一直足緊張的。落台了後，老師問阮明年欲閣來開音樂會無？愛風神的我，真有氣魄共老師頌頭。

中 02 快樂的兒童節

吳秀卿

今仔日是學校一年一擺的兒童節慶祝活動。踏入校門就看著司令台布置甲嬲噹噹，五花十色的雞娃仔，敢若一座美麗的城堡。運動埕頂頭一排一排的風吹輪綴風一直轉、一直楚，若咧跳舞、若咧唱歌歡迎阮遮的小公主、小王子。

八點鐘仔聲霆，校長就敲鑼宣佈活動開始。一大陣的學生因仔親像放出籠的鳥仔，衝對運動埕去。頭前排是灌風的跔流籠、電動機車站、雪文波王國、投籃勇士隊、野球九宮格，有夠鬧熱！閣較內底猶有電影院、小丑仔樂園。哇！學校變做一個遊樂園呢！英雄看著美國隊長、蜘蛛人佇入口迎接阮，原來逐關的關主攏是老師妝的。

我先去騎電動 oo-tóo-bái，體驗騎車的威風，才閣去小丑仔樂園。小丑仔阿叔有夠古錐，伊做足濟好耍的動作共逐家弄甲笑哈哈，閣予阮捏伊的紅鼻仔，捏一下就吱一聲、捏兩下就吱兩聲，害阮笑甲攪腹肚。繼落來，閣去上蓋受歡迎的電動投籃球機台，排隊的人艮艮長。誠無簡單輪著我，我就功夫盡展，連繼投三粒入去，趁三塊糖仔。

用野球擊九宮格閣較愛靠技術，我球提咧相準準大力擊出去，輕輕鬆鬆就共九個格仔攏擊倒，現場喋仔聲霆袂煞，予我足有成就感的！上尾，走去電影俗雪文泡王國

耍，會使講逐項攏要透透，要甲足歡喜的，我感覺阮正港是今仔日上奢颺的主角。

十一點一下到，逐家攏準時集合，因為上刺激的節目就欲起鼓矣！彼就是班級跔灌風的跔流籠比賽。聽著甯仔聲，規班衝對跔流籠遐去。逐家團隊合作，下面的人共頂面的人鬥揀，一個接一個拚命跔起去頂懸。等規班攏跔到，位才同齊跔落來，雖然逐家攏跔甲大粒汗細粒汗，毋過，笑容是遐爾甜、遐爾仔滿足。這場比賽嘛是今仔日上精彩的『Ending』。

這擺的兒童節活動，袂輸一場刺激的冒險，嘛親像眠夢全款。感謝所有的老師俗志工，替阮設計遮爾心適的活動，予阮會當歡歡喜喜過一個快樂的兒童節。

簡惠珠

細漢的時代無手機仔，無電腦，連欲看電視都愛去厝邊的客廳才有通看。阮無科技的迫迫物仔，上捷耍的就是和囡仔伴走相逐、覷相揣，閣來就是佇厝頭前的田裡變猴弄。

後頭厝的倚家頭前是一片闊莽莽的田地，田裡若有種稻仔的時，田岸仔路就是我下課了後會去耍的好所在。一枝竹仔縛一條釣線就是一枝魚釣仔，欲釣的毋是魚仔是田蛤仔，手擲釣竿仔擢懸擢低挺田蛤仔來食餌，有時閣釣甲有通仔予阿母加菜。一碗清清的蒜頭四跤仔湯就是阮的山珍海味，而且閣加上家己的成就感，湯頭咻起來感覺特別甘甜。毋過若是影著釣起來是一尾長長的水蛇，我就釣竿擲咧趕緊落跑。

稻仔收成了後是我上快樂的時陣，我和囡仔伴會佇田裡享受大自然，掠草猴、弄草蟻仔，猶有就是我上愛的炕塗窯。

佇咧稻仔割了，猶未佈後一擺的稻仔進前，作穡的阿伯攏用犁共田裡的塗僥僥反反咧，僥過了後，田裡的塗丸仔就是我炕塗窯上讚的材料，因為起塗窯我上內行，所以賭的囡仔伴攏干焦負責拈塗丸仔。我攏先用三塊紅磚仔排

一个『冂』字型成做欲囊柴的窯門，紐落來用較大粒的塗丸仔圍踎磚仔邊先箍一个圓，閣來就是一層一層，愈圍愈懸，上重要的鉅角就是圓箍仔愛愈圍愈細个，一直到共塗窯的厝頂坎起來。

起好了後阮就開始燃柴，等塗窯的塗整燒甲紅記記的時，這陣就是欲囤番薯的好時機矣！閣來就是對塗窯懸頂的塗整用火鉗共挖一寡落去，予頂懸成做一个空，利用這個空共番薯囤落去塗窯內底，才閣用棍仔撼予倒，閣共塗砂粉仔坎踎頂懸，才袂予燒的空氣走出來，按呢番薯才會熟、才會好食，紐來就是等待的時間矣。

等待的時阮會搨玻璃珠仔、擲樹奶，聽候時間若到，全部的囡仔伴圍佇塗窯邊，用柴枝勻仔共塗丸仔挖開，共一條一條芳 kòng-kòng 的番薯，勻仔挖出來分予在場的每一个人，逐家就歡頭喜面，佇黃昏的日頭享受這簡單的幸福。